



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Qvaestio LXIII. De effectu Sacmentorum qui est Character. In sex
Articulos diuisa.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

18 Quæst. 62. De princip. effectu Sacram. qui est Gratia. Art. 5. 6.

id est, Christi sanctissima merita, eiusque veluti sanguinem pro nobis effusum; & hæc nobis efficaciter applicent nostraque efficiant; & sic infallibili lege sanctificant. Adde, eos, qui ponunt hanc causalitatem physicam, nihil addere ipsi Sacramentis; nec ullam dare tenuem formalitatem, nisi forte relationem quamdam resultantem ex actione; quæ relatio, si est, parui est momenti: nam est posterior ratione Sacramenti, cùm per accidens resulteret ex actione.

ARTICVLVS V.

Vtrum Sacra menta nouæ legis habent virtutem ex Christi Passione?

R^{espondetur} Assimiliat. Est fide tenenda. Patet ex dictis suprà de Christi merito: vbi offensum est remissionem peccatorum & iustificationem esse ex Christi meritis: atqui hæc conferuntur per Sacra menta: ergo. Vide Concil. Trident. sess. 6. cap. 3. & 7. In huius signum ex latere Domini fluxit aqua & sanguis, quæ sunt symbola Baptismi & Eucharistie; nempe preci- priorum Sacramentorum. Vnde Patres pa sim docent ex Christi latere fluxisse Sacra menta. Ita

D. Augustinus lib. 15. de Civitate cap. 26. Chrysostomus homilia 84. in Ioannem, & alij.

Notandum est circa rationem, qua D. Thomas probat hanc veritatem: *Sacramentum* (inquit) est explicatur. D. Thom. instrumentum diuinitatis separatum, humanitas autem coniunctum: atqui virtus ab instrumento coniuncto descendit ad instrumentum separatum: Sicuti ab anima per manum descendit vis in baculum, gladium &c. ergo omnia virtus salutifera Sacramentorum descendit à diuinitate per humanitatem Christi in ipsa Sacra menta. Quia ratio est valde bona, si intelligatur de virtute & causalitate morali, vt explicuiimus: nam humanitas Christi est causa meritoria nostræ iustificationis, quæ merita nobis applicantur per Sacra menta: vnde Sacra menta sunt instrumenta humanitatis Christi, quatenus humanitas per ipsa nobis applicat sua merita: sicut humanitas est instrumentum diuinitatis, quatenus diuinitas nos per carnem assumptam sibi reconciliavit.

ARTICVLVS VI.

Vtrum Sacra menta veteris Legis gratiam causarint?

De quo vide D. Thomam, & infrā q. 70.

QVÆSTIO LXIII.

De effectu Sacramentorum, qui est Character.

In Sex Articulos divisæ.

ARTICVLVS I. & VI.

Vtrum Sacra menta imprimant Characterem; & quanam ex illis?

H^{eretici} nostri temporis negant, & rident Characterem, sicuti Ioannes Wiceloff. I. 4. sui Trialogi, cōtra quem agit Thomas Waldensis tomo 2. c. 109. & 110.

Respondeo & Dico Primo, Fide tenendum Per quedā est, quibusdam Sacra mentis imprimi quoddam Sacra menta. Imprimi signum spirituale & indelebilis animis nostris, distinctum à gratia gratum faciente, & ab externo Characterem, est de Sacramento, quod recte dicitur Character.

Probatur Primo. Nam hæc veritas definita est ab Innocentio III. Capitulo Maiores, de Baptismo & eius effectu: & traditur à Concilio Florentino in instruētione Armenorum, tamquam doctrina Ecclesiæ: Inter Sacra menta tria sunt, Baptismus, Confirmationis, & Ordine, que Characterem, id est, spiritale quoddam signum à ceteris distinctum in imprimunt in anima indelebiliter. Et Concilio Tridentino sess. 7. can. 9. Si quis dixerit in tribus Sacra mentis, scilicet Baptismo, Confirmatione, & Ordine, non imprimi characterem in anima, id est, signum spirituale & indeleibile, vnde ea reiterari non possint, Anathema sit.

Probatur Secundo ex Scripturis; 2. ad Corinthios 1. verf. 22. Qui unxit nos Deus, qui & signauit nos, & dedit pignus spiritus in cordibus nostris: hic cū unctio ad gratiā pertineat, necessaria est signa-

tionem seu sigillationem ad Characterem pertinere. Et confirmatur ad Ephesios 4. v. 30. Nolite contristare Spiritum sanctum Dei, in quo signati esis in die redemptionis; Graec est, sigillati.

Probatur Tertiò ex Patribus; & potissimum ex S. Augustino, qui clarius ceteris hanc veritatem docet lib. 6. de Baptismo contra Donatistas cap. 1. Ouen, quæ foris errabat, & foris recipiebat Dominicum Characterem, redeuntem corrigimus; sed Characterem non improbabus Dominicum in ea, quem Characterem multi lupi multi lupis insigunt: vbi Character distinguitur à gratia, quæ non insigunt lupi; & ab ipso Sacramento externo, quia hoc in se non insigunt, sed statim transit. Et lib. 2. contra Epistolam Parmentianum cap. 13. ait, Sanctitatem Sacra mentorum etiam in peruersis hominibus, sive intus, sive foris, impollatam & iniuiolabilem permanere: Quod non potest intelligi de gratia; neque etiam de externo Sacramento, quia hoc non permanet, sed necessarium intelligitur de Characterem, quem Characterem vocat Sacramento sanctitatem, quia per illum diuino cultu dedicamus, & à Sacramento efficitur. Ibidem. An (inquit) minus inherent Christiana Sacra menta, quam corporalis hec nota? (scilicet nota militaris.) Et lib. 1. de Baptismo cap. 1. ait, Baptismum & Ordinem nunquam amitti, sed utrumque in malis permanere, scilicet secundum suum effectum, qui est Character. Ibidem ait malos semper gerere sacramentum sua ordinationis. Lib. 2. contra Epist. Parmentianum cap. 13. dicit Ordinem & Baptismum non posse iterari, quia utrumque

que quadam consecratione homini datur, id est, quadam interna sanctificatione, qua homo consecratur divino cultui. Ex his patet hoc signum recte vocari Charakterem, quia est instar nota cuiusdam distinctiue, per quam ad certum aliquod munus deputatur, qualis est nota militaris.

Dico Secundo, Tria tantummodi Sacra-
menta characterem imprimit, Baptismus, Confir-
matio, & Ordo. Patet ex Concilij citatis. Ratio
est, quia per hæc Sacraenta homo deputatur
ad actus quosdam religionis extra ipsum Sacra-
mentum obeundos: sed hæc deputatio fieri de-
bet non solum per externam denominationem,
sed per alieuius qualitatis conuenientis impre-
sionem, alioquin non esset perfectior, quam de-
putatio militis ad bellum, & ducis ad suum of-
ficium; quod non est contentaneum potentie
Christi, & perfectioni legis nouæ. Et confirmatur,
quia sicut Deus, cum diligit, facit hominem
interius bonum, & cum vult ab illo diligiri, tri-
buit interius potestatem diligendi: ita cum ali-
quem deputat ad aliquid, tribuit etiam illi ali-
quid quo deputetur; præfertim quando hoc pas-
sim ad omnes pertinet: hac enim est differentia
inter Deum & homines, quod hominum dilectio
& deputatio sit inefficax; Dei vero sit efficax.

ARTICVLVS II.

*Vtrum Character sit spiritualis
potestas?*

³ Affirmatur. **O** Missis opinionibus, Respondeo, Cha-
racterem esse quandam potentiam spirita-
lem actiua vel passiuam, non physicæ, sed mor-
aliter. Quod sit potentia quædam, docet D.
Thomas hoc loco, & plerique Doctores, Alber-
tus, Bonaventura, Gabriel dist. 6. Quod autem
non sit actiua physicæ, patet ex dictis de causalitate
Sacramentorum. Et confirmatur, quia minis-
ter non producit immediate gratiam, sed solum
mediante Sacramento. Denique quod moraliter
sit actiua vel passiuam, probatur: Quia est qualitas,
seu signum spirituale, cum quo Deus constitutus
concurrit ad alia Sacraenta suscipienda vel
conferenda. Quod sic patet; nam per Baptismum
homo aggregatur familia Christi, unde Deus im-
primis animi quandam spiritalem notam, que Pri-
mo, est magnum animæ ornementum & veluti
insigne familiæ Christi. Secundò, per ipsum distin-
guitur ab alijs, qui non sunt de Christi familia.
Tertiò, tribuit haec nota ius percipiendi reliqua
Christi munera, que propria sunt domesticorum.
Quarto, Deus quodammodo se obligat per illam
ad hominem singulari modo iuandum, & ad reli-
qua ipsius dona ritè suscipienda: & hoc modo
potest dici potentia passiuam, quia per eam redditur
idoneus ad reliqua Sacraenta.

Per Confirmationem homo efficitur veluti
Christi miles, ad intrepidei eius fidem coram ad-
uersariis profitendam: vnde imprimizur illi veluti
nota quædam militaris, que Primo, est magnum
animæ ornementum, & veluti insigne militum
Christi. Secundò, distinguetur per eam ab alijs
nondum ad Christi militiam adscriptis. Tertiò,
quia per illam Deus quodammodo se obligat ad
præbendum auxilium, & robur necessarium ad fi-

dei professionem; & hoc modo potest dici po-
tentia actiua.

Denique per Ordinem homo efficitur veluti Charakter
dux militiae Christianæ, vel potius efficitur parti-
Orcdnis,
cepis sacerdotij Christi, ad confiencia conferen-
daque Sacraenta; quæ sunt primaria functiones
sacerdotij Christi: vnde infigitur animæ nota
quædam spiritualis, per quam ad hoc munus depu-
tetur; quæ similiter animam exornat, ab alijs di-
stinguit; & Deum obligat quodammodo, ut in
functionibus Sacramentalibus sua omnipotens
concurrit; & hoc sensu dicitur potentia actiua: &
habenti enim hoc signum spirituale, ex diuina or-
dinatione debetur concursus supernaturalis ad
Sacramentorum functiones.

Huic explicacioni fauent Concilia, que hunc
Characterem vocant *Signum spirituale*; quo verbo
satis indicant non habere vim agendi vel patien-
ti, nisi per modum signi aut paci. D. Augustinus
comparat illum ubique Characteri militari, qui
non est actiua physicæ, sed solum ornat, distin-
guit; & ius tribuit ad functiones militares. Hinc
patet, in qua specie qualitatis sit Character: non
enim est in secunda specie, vt quidæ ex D. Tho-
mas tenent; quia non est vis agendi vel patiendi
In qua spe-
cie qualita-
tis sit Che-
more naturali: sed in prima, est enim habitus ræter,
quidam animi, non operans, sed exornans, & be-
nè afficiens, & quodammodo ad gratiam dispo-
nens; sicut gratia, multorum sententia, est in
animæ essentia, ipsam exornans & Dei formem
efficiens.

ARTICVLVS III.

*Vtrum Character Sacramentalis
sit Character Christi?*

R Espondeo, Dicitur Character Christi, sicut
notæ militaris dicitur Character ducis, &
notæ famulorum est character Domini: per charac-
terem enim Baptismi adscribimus Christi fa-
miliæ; & accipimus ius ad frumentum bonis, quæ
in domo eius sunt; id est, ad alia Sacraenta per-
cipienda. Per characterem Confirmationis effici-
mus Christi milites. Per Characterem Ordinis ef-
ficimus participes eius sacerdotij. Simili fere mo-
do Antichristus seruos suos certo quodam cha-
ractere signabat, Apocal. 13. & 16.

Sed aduerte, quod character Ordinis nos as-
similat Christo in potestate munis sacerdotalis,
nos Christi
quam potestatem Christus non habet per charac-
terem, sed per unionem hypostaticam. Sicut
Prefectus prætorij per insigne acceptum ab Im-
peratore, assimilatur Imperatori in potestate re-
gendi, qui hanc potestatem habet non per aliqua
insignia, sed primario iure. Character autem Ba-
ptismi & Confirmationis non propriè nos assimi-
lat Christo; sicut nec miles per suum insigne affi-
milatur Imperatori, nec seruus Domino; sed alio
senso dicuntur Christi character, quia nos de fa-
milia & militia Christi efficiunt, redduntque
idoneos ad functiones sacerdotij eius excipiendas.

ARTICVLVS IV.

*Vtrum Character sit in Potentijs
Anima sicut in subiecto?*

Scotus

D. Tho-
mas.Eti-
fensia Ani-
mg.

SCOTUS dist. 6. qu. 11. putat Characterem esse in voluntate. Ratio est. Quia gratia est in voluntate; Character autem est dispositio ad gratiam. D. Thomas autem hic ad 3. cum suis, putat esse in intellectu. Ratio ipius est, quia Character est potestas recipiendi vel conferendi Sacra menta: sed recipere vel conferre Sacra menta est protestatio fidei, fides autem in intellectu: ergo Character est in intellectu.

Sed verius est esse in ipsa Anima essentia. Ita Gabriel dist. 6. qu. 2. art. 3. Marsilius qu. 4. artic. 1. & alij plerique. Probatur Primò, Quia non potest esse in intellectu vel voluntate: ergo debet esse in essentia. Antecedens probatur, Quia nihil est in intellectu, quod non iuuet ad intelligendum; alioquin ibi esset frustra: atqui Character non iuuet ad intelligendum: ergo non est in intellectu. Maior probatur, Quia, quidquid est in intellectu, est ibi ut perficiat intellectum, vel ex parte potentiae, ut lumen & habitus scientiarum; vel ex parte obiecti, ut species intelligibiles. Imò valde probabile est, intellectum non esse alterius qualitatis capacem, cum tota eius essentia consistat in inclinatione ad actum intelligendi. Atqui Character nec est habitus intellectuus, nec species intelligibiles. Similiter in voluntate nihil ponitur, nisi quod inclinet ad functiones voluntatis, & perficiat eius pondus in obiectum: atqui Character non inclinat voluntatem in aliquod obiectum. Probatur Secundò, Quia Concilia dicunt Characterem imprimi animae, non autem intellectui & voluntati. Quod confirmatur, quia ipsa anima essentia est, cui primò conuenit deputari, ornari, distinguiri, quod sit per Characterem. Probatur Tertiò, Quia ostensum est, Characterem non esse vim aliquam operativam physicè, sed solù moraliter instar signi, ac proinde nō debet ponи in potentia.

Ad rationem Scoti; Respondeo, Donum illud, quod peculiariter vocatur gratia, non esse in voluntate, sed in essentia animae; ut multis probari potest: vnde commodius Character ponitur in anima essentia, tanquam preparatio ad gratiam. Deinde, eto sit gratia in voluntate, non tamen ideo Character ibidem esse debet; quia Character non est physica dispositio, sed solù moralis, sicut fides est dispositio ad gratiam: talis autem dispositio non debet esse in eadem potentia, in qua for-
ma, ad quam disponit.

Ad rationem D. Thomae facilis est responsio, Multis enim actibus profitemur fidē, qui non cli- ciuntur ab intellectu; ut ieiunio, Martyrio, & multis alijs actibus religionis, qui actus non sunt

ab intellectu, nisi vt à dirigente. Simili modo functiones Sacramentales non sunt ab intellectu, nisi eo modo, quo omnes aliae actiones sacre & profane. Accedit, quod Character non concurrat physicè ad receptionem vel collationem Sacramentorum, vt dictum est, ac proinde non debeat ponи in aliqua potentia.

ARTICVLVS V.

*Vtrum Character insit Anima
indelebiliter?*

Respondetur, Fide tenendum est, esse indelebiliter in Anima.

Probatur Primò, Ex definitione Concilij Tridentini & Florentini suprà. Idem docet D. August. lib. 3. contra Epist. Parmenian. cap. 13. *An forie minus harerit Christiana Sacra menta, quam corporalis nota?* Ratio est, Quia est in essentia animae, quae est incorruptibilis, & caret contrario tam moraliter quam physicè: Physicè quidem, quia inter participationes diuinarum perfectionum nulla potest esse repugnantia: Moraliter etiam nō habet contrarium, sicut gratia habet; quia Character potest consistere cum quovis peccato.

Dices, Est dispositio ad gratiam; ergo tolletur per ea peccata, quibus homo se reddit prorsus indispositum. Respondeo, Non est dispositio propriæ dicta: sed dicitur dispositio, quia est magnum animæ ornamentum, ratione cuius homo aptior & propinquior est gratiae, quam nudè consideratus.

Probatur Secundò, Quia Character est consecratio quædam ad diuinum cultum; omnis autem consecratio durat, quamdiu res manet integræ: patet in calicibus, altariis, templis.

Probatur Tertiò, Quia est quedam participatio sacerdotij Christi, vel capacitas ad eius functiones recipiendas: atqui Christus est Sacerdos in æternum.

Petes, An maneat post hanc vitam. Respondeo, Non esse omnino certum. Facile enim Deus potest subtrahere influxum suum Characteri in damnatis, sicut fidei; nam Concilia possunt exponi de indelebilitate in hac vita. Tamen longè probabilius est & verius, manere; quia Deus rei ex se incorruptibili non subtrahit influxum, nisi id aliqua causa vel dispositio contraria postulet: sed nulla est talis dispositio in damnatis; secūs est de fide, nam damnati eliciunt actus contrarios, ob quos etiam in hac vita perit fides. Manet igitur Character post hanc vitam, in bonis ad gloriam, in impijs ad dedecus & signum ingratitudinis; sicut in militibus post pugnam manet Character, ita vt victoribus sit honori, victis ignominia. Insinuat D. August. lib. 2. contra Epist. Parmen. cap. 13.

QVÆ-